

State Parliament- anya tjara tjakultjunanyi

Tjakultjunanyi kamanta levels-tjara

Australia kamantangka panya level mankurara ngaranyi

Nyanga alatji:

Local (tjaru: panya ngurangka)

State (ngururpa: nyuntumpa State-pangka)

munu

Federal (katu: panya uwankaraku Australiala nyinapai tjuṯaku)

Federal: Nyangatja panya kamanta uwankaraku Australiala nyinapai tjuṯaku

Nyanga Federal kamanta katu ngaranyi munu mayatja pulka kutjupa-kutjupa tjuṯaku Australiala winkingka. Tjana law palyanyangka Australiala winkingka law nyara palunya wanani. Nyanga Federal kamantangku wanani Australian Constitution munu kutjupa-kutjupa tjuṯa tjukararungku palyani nyanga tjanampa: tax-paku, international relations-paku (panya urungka munkara nyinapai tjuṯangka wangkara kulini kutjupa-kutjupa tjuṯa), defence, migration munu kutjupa-kutjupa tjuṯa kuḷu.

Ngururpa: Nyuntumpa State-pangka

Panya State kamanta tjuṯa ngururpa ngaranyi. Tjana pawa pulkatjaratu paluru Federal kamantangka waintara wiya. Ka State kamanta tjuṯangu Australia Constitution wanalpai wiya. Nyanga State kamantaku warka panya nyanga tjananya: education-paku, health-paku, emergency service-paku, environment-paku munu kutjupa-kutjupa tjuṯa kuḷu.

Tjaru: Ngurangka ila

Australiala winkingka local council tjuṯa mulapa ngaranyi. Tjanampa warka panya nyanganypa: community services, playground, rubbish collection munu building permits munu kutjupa-kutjupa tjuṯa kuḷu.

Ka panya Parliament South Australia-nya panya ngururpa ngaranyi State level-pangka.



Pawa mauntalpa mauntalpa

Australia kamantangka mayatja mankurara ngaranyi nyanga palu tjana lipula ngaranytjaku 1) law palyantjaku, 2) law tjukararungku arkanytjaku, munu 3) wangkara kulira law tjakultjunktjaku. Nyanga alatjiya palyanu panya mayatja kutju pawa pulka mulapa-tjara ngarapaingkatawara.


Parliamenta / Legislature: Panya Parliamentalaya law tjuṭa palyalpai. Anangu tjuṭangku Australiala winkingka ngurkantanyi anangu kutju tjanampa nguranguru Parliament-angka wangkara kulintjaku kutjupa-kutjupa tjuṭa munu panya law palyantjaku anangu winkingku wananytjaku.

Executive: Panya Executive-pangka, Minister (ini kutjupa Cabinet) munu public service-pangka warkaripai tjuṭa tjunguringanyi wangkara kulintjikitja. Nyanga public service-pangka warkaripai tjuṭa tjana panya Minister kutjupa-kutjupa tjuṭangka warka mauntalpa mauntalpa palyalpai nyanga kamanta department winkiku

Nyanga Executive-pangku law panya parliament-angku palyantja, tjana panya purkarangku wangkara kulira law nyara palunya tjunanyi. Ka tjinguru nyanga alatji ngaraku: teacher kutjungku panya public kuuṭangka waarkaripaangka wanani law panya parliament-angku palyantja public education service-paku. Ka kutjupa: panya puulitjamanu tjuṭangku wanani criminal law panya parliament-angku palyantja.

Judiciary: Judiciary panya courts-pa tjuṭa. Courts-pangku pawa pulkanya kanyini munu purkarangku wangkara kulira tjukararungku tjunanyi tjanampa kulintja nyanga law tjara.

Nyanga Parliamenta South Australiala panya Parliament/Legislature kamanta



South Australian Parliamenta

1856-taya Constitution Act palyanu nyanga South Australiala panya ara kutjara ngarantjaku Parliament-angka.

Ara kutjara nyanga pulanyaya ininu House of Assembly munu Legislative Council.

Panya secret ballot election-pangka maṭangka, nyanga State Parliamenta alanu munuya kutjupa-kutjupa wangkara kulintjikitja tjunguringu Wednesday 22 April, 1857-ta.

House of Assembly: Nyanga House of Assembly-angka, anangu 47 waarkaringanyi panya Members of Parliament (MPs) tjuṭa. Tjanampa panya, nyanga 47 MPs tjuṭaku ngaranyi panya 4 years-pa kutjupa-kutjupa tjuṭa payalkatinyi House of Assembly-angka South Australiala nyinapai tjuṭaku. Panya MP kutjungku tjinguru kutjupa-kutjupa tjuṭa payalkatinyi anangu 25,000-paku.

Panya political party kutju nyanga House of Assembly-angka, MP tjuṭatjara nyinarampa tjana kamanta. Munu tjana kamantararingkula ngurkantananyi kutju-kutju tjanampa Minister tjuṭa Executive-pangka waarkarintjaku.

Speaker-angku kutjupa-kutjupa lipula ngaranytjaku palyani munu Mace panya symbol House of Assembly-ku.

Legislative Council: Legislative council-pangka 22 member (MLCs) ngaranyi. South Australiala nyinapai tjuṭangku tjananya ngurkantananyi ka tjana 8 year warkarinyi South Australiala nyinapai tjuṭaku. Ka palulanguru nyanga 22 MLCs nyuntumpa warkarinyi.

Legislative council-paku voting mauntalpa ngaranyi. Munu minor parties munu independent tjuta nguwanpa ngaranyi House of Parliamentangka.

Ka President-angku kutjupa-kutjupa tjuṭa tjukaruru munu lipula ngaranytjaku palyani munu panya Legislative Council-paku symbol panya punu Black Rod.

Nyaa tjuṭa Parliamantangku warka

Parliamantaku panya 4-pala ngaranyi: Utini, Ngaltjumananyi, Mani tjukurpa tjakultjunanyi munu Courts-pa tjara lipula ngaranytjaku palyani.

Utini: Parliamantangka panya MP's tjuṭangku wangkara kulini tjukurpa munu ara panya tjanampa nguratja tjutaku nyanga South Australia.

Nyanga MP's tjuṭangku panya wangkara kulini nyanganypa, tjinguru panya Grievance Debates, Matters of Interests munu Motions-tjara. Ka tjana panya wangkara utini kamanta warka tjuṭangku munu MP's kutjupa tjuṭangku kulintjaku tjanampa nguraku aratjara.

Ngaltjurmananyi: Panya Minister tjuṭa Government department-paku warkaripai tjuṭa tjana uwankara Parliamantangka warkaripai kuḷu.

Ka representative tjuṭangku munu minister kutjupa tjuṭangku tjana panya ngaltjurmananyi munu kulini yaaltji-yaaltjingku minister palu tjana warkarinyi.

Members of Parliament tjuṭangku panya Minister tjuta question tjapini – Question time-ta munu question tjuta “on notice” system.

Mani tjukurpa: Parliamantangka panya mani tjukurpaya kulini. Ka year kutju-kutju budget-paya pass-amilani.

June-ta nyanga palunya wangkara kulini panya mani tjukurpa year kuranyutukungku kulira.

Legislative: Parliamantangka tjana law tjuṭa palyani munu kampa kutjupananyi.

Building-tjara

Building nyanga paluru marble columns-tjara, Corinthian capitals munu keystone carvings panya 19th century Governors, Presidents munu Speakers-tjara.

Nyanga main building materials tjana katingu marble Kapunda-languru munu granite Victor Harbor-languru.

Nyanga House of Assembly-nya tjana alanu 5 June 1889-ta. Ka 1936-ta Sir Langdon Bonython-tu unngu mani 100,000 Legislative Council-nga palyantjaku. Ka nyara palunya alanu 5 June 1939-ta.

Ka Mayatja kutjara Tom Price (1905-1909) munu Frank Walsh (1965-1967) paluru pula warkaringangi stonemasons nyara palula.

Nyuntu mukuringanyi nyakunyitjaku munta kulintjaku

Akatjari ananyi: Parliament House panya King William Street-ta munu North Terrace corner-ngka ngaranyi. Anangu tjuṭangku palya ankula nyanganyi tjana kutjupa-kutjupa tjuṭa wangkara kulinnyangka.

Ka Parliamantangka meeting wiya ngaranyangka guided tour palya ngaranyi 10.00am munu 2.00pm Monday-nguru- Friday-kutu. Ka nyangatja free visitor tjuṭaku.

Ka kuula munu group tour tjuta panya book-amilala nyuntumpa local member of Parliament-wanu. Nyuntu putu nyanganyi Parliament ilangku, panya live broadcast online nyawa.

Hansard: Hansard panya report pulkanya Parliamantaku, tjana wangkara kulintja tjuṭa. Nyuntu mukuringkula nyawa nyanga palunya, Parliamantanga wangkara kulintja tjuta Hansard-ta.

Hansard ngaranyi Parliamantaku website-pangka.

Committee tjuta: Member tjuṭangku committee mauntalpa-mauntalpa palyani warka palyantjaku nyanga Parliamantangka.

Nyanga Parliamentary committee pawa kanyini kutjupa-kutjupa tjuta purkarangku kulintjaku tjanampa terms of reference-pangka waintara wiya.

Anangu tjuṅangu palya wangkara kulini committee tjuṅangu panya submission palyara munu ananyi public hearing kulintjaku.

Petition: Petition panya wituni-wituni kutjupa-kutjupa change-amilantjaku. Anangu kutju munu tjuṅangu nguwanpa South Australiala nyinapaingku petition palya tjunanyi nyanga House of Parliamanta kutjarakutu tjana action palyantjaku.

Tjinguru alatji, anangungku munta anangu tjuṅangu nguwanpa petition palyani munu wituni-wituni the House legislation palyantjaku munta kampa-kutjupankuntjaku munta action palyantjaku kutjupaku.

Nyanga petition nyanga paluru pulka mulapa, iritinguru alatjitu ngaranytja munu anangu fundamental right alatjitu. Nyanga paluru panya tjanampa kulintja katyni parliamantaku tjana parliamantangka kulintjaku. Alatji panya ngaranyi anangu tjuṅangu parliamantakutu tjukaruru alatjitu wangkanytjaku.

Demonstration: Rallies munu demonstration panya Parliamant House-ta urilta palya ngaranyi, paluru speaker munta President wara tjapini tjana palyanmankuntjaku.

Nyanga tjapini wara anangu tjuṅaringkupaingkatawara ka panya kutjupa-kutjupa tjuta lipula ngaranytjaku panya anangu Parliamantakutu ananyi, munta footpath-pangka ananyi, munta ruutangka ananyi, munta panya rally-angka munta demonstration-pangka ngaranyi, uwankaraku.

Member-ngka wangkantjikitja: Nyuntu mukuringkula Member contact information nganampa website-pangka nyawa, kutjupa-kutjupa wangkanytjikitja nyuntumpa representative-pangka, nyuntumpa kulintja.

Federal Parliament munu State Parliamanta tjara nyanganyi

	Federal Parliament	
	House of Representatives	Senate
Other Names	Lower House	Upper House
Members	151	76
Representation	Each MP represents an electorate of 110,000 voters	Each Senator represents their state or territory. There are 12 Senators for each state, and 2 for each territory.
Term	3 years	6 years
Voting System	Preferential	Proportional – single transferable vote
Jurisdiction	Laws passed are for the whole of Australia	Laws passed are for the whole of Australia

	Parliament of South Australia	
	House of Assembly	Legislative Council
Other Names	Lower House	Upper House
Members	47	22
Representation	Each MP represents an electorate of 25,000 voters	Each MLC represents the whole of South Australia
Term	4 years	8 years
Voting System	Preferential	Proportional – optional preferential
Jurisdiction	Laws passed are for South Australia only	Laws passed are for South Australia only

Ngananya contact-amilala

Nampa nganampa: +61 8 8237 9100 | kutjupa 1800 182 097

Walkatjura: GPO Box 572, Adelaide SA 5001, Australia

Akatjari pitja: Parliament House, North Terrace, Adelaide SA 5000, Australia

Email: LegCo@parliament.sa.gov.au (Legislative Council)
Assembly@parliament.sa.gov.au (House of Assembly)

Web: www.parliament.sa.gov.au

Social Media: Facebook: @parliamentsouthaustralia
Instagram: @parliamentsouthaustralia
YouTube: South Australian Parliament
Twitter: @LegCouncilSA | @AssemblySA